

# 命令

## 軍政府令

前海軍總長海軍中將程璧光首先率艦南來熱誠護法厥功甚偉不幸海珠遇害爲國捐軀追念元勛同深嘆悼除所有卹典交海軍部從優核議外着於死難地方鑄像用彰勛績而垂不朽此令



中華民國七年九月二十四日

## 軍政府令

前零陵鎮守使陸軍少將劉建藩首義湘南堅苦卓絕身經百戰卓著奇勛旋於株州之役以寡敵衆奮不顧身中道殞命追維往績悼惜同深除所有卹典交陸軍部從優核議外着於死難地方鑄像用彰勛烈而示來茲此令



中華民國七年九月廿四日

軍政府令

前警備司令陸軍少將徐連勝於援閩之役疊克名城戰功卓著卒以搶奪黃天洞一山身先士卒中彈隕命聞之深堪憫惜除所有卹典交陸軍部從優核議外着入祀忠烈祠以彰勛績而慰忠魂此令



中華民國七年九月二十四日

軍政府令

前高雷鎮守使陸軍中將隆世儲於討龍之役奮不顧身中彈殞命追思往績憫惜同深除所有卹典交陸軍部從優核議外着入祀忠烈祠以彰功烈而慰忠魂此令



中華民國七年九月二十四日

軍政府令

特任徐謙爲司法部長此令



中華民國七年九月二十六日

軍政府令

特任趙藩爲交通部長此令



中華民國七年九月二十六日

軍政府令

內政部長任可澄陳請給假回黔應准假兩月此令



中華民國七年九月二十六日

軍政府令

內政部長冷適着代理部務此令



中華民國七年九月二十六日